



## Universitätsbibliothek Paderborn

### **V. P. Gasparis Druzbicki, Societatis Jesu, Opera Omnia Ascetica**

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicacionem Pagina  
Indicabit

V. P. Gasparis Druzbicki, Societatis Jesu, Fasciculus Exercitiorum Et  
Considerationum, De Præcipuis Veritatibus Christianæ Fidei Et Sapientiæ -  
Ad efformationem Christianæ vitæ, consecutionem salutis æternæ  
collectus: & usui accommodatus

**Druzbicki, Kaspar**

**Ingolstadii, 1732**

**VD18 90066332**

Exerc. 6. Jesus Passus, quantus Dei Patris, ejusque Gloriæ, & Voluntatis  
Amator.

**urn:nbn:de:hbz:466:1-45396**

ster instructor: da mihi in hac doctrinâ tuâ, tandem tandem, semper magis ac magis proficere: ut per omnia efficiar tuus discipulus, & frater, & filius inimicorum propter te, amator sincerus: neque melius, inter eos, & inter amicos, quantum ad Amorem eorum, discriminis positor æternus.

## EXERCITIUM VI.

*JESUS Passus, quantus DEI Patris, ejusque Gloria, & Voluntatis Amator?*

1. **S**Tatue ob oculos Cordis tui JESUM passum.

2. Ejus hunc lachrymabilem luctuosumque statum, quàm accuratissime, penitissimeque intropicies.

3. Ex hoc ejus statu, atque ex hac miserabili specie conjicies, imò dispicies, Amorem ipsius erga suum Patrem æternum: nec non pro gloriâ illius zelum, & denique ad ejusdem Voluntatis omnia mandata, atque placita subjectissimam promptitudinem, promptissimamque subjectionem.

4. In omnibus Creaturis nullam invenies, quæ majorem in Deum æstuaverit, & æstuet Charitate quàm JESUS. Cujus rei evidentissimum Specimen habes: in ejus Incarnatione, Vitâ, Passione, ac Morte. Neminem invenies, qui pro Dei gloriâ plura, & grandiora egerit, atque peritulerit, qui ejus Honorem majoribus impensis, gravioribus laboribus, robustioribus & constantioribus studiis, magnificentioribus & illustrioribus exemplis operibusque procuraverit, promovet

moverit, promeruerit, stabiliveritque, quam  
JESUS: quorum omnium in totâ quidem Vitâ,  
inque omnibus momentis Vitæ, ad potissimum  
in morte luculentissimo elucent specimina, atque  
exempla.

5. Neminem invenies, cui Deus graviora,  
durioraque, ac omnibus difficultatum, arduita-  
tumque generibus exaggeratiora proposuerit,  
ac imposuerit mandata: quivè magis fuerit ser-  
vus, ac mancipium per omnia divinæ Volunta-  
tis, & quo illa magis abusa sit, in omni genere  
viliū, abjectorum, difficilium, Heroicorum,  
indignorum ejus personâ operum & obsequio-  
rum: qui eam magis promptè, exactè, in omni  
puncto, in omni horâ, in omni apice sit execu-  
tus; qui eandem studiosius verbo, & opere,  
exemplo, & dispendio proprio, jacturâque bo-  
norum omnium, omni magnitudine majorum  
commendaverit, atque prædicaverit hominibus:  
qui sese eidem arctiùs adstrinxerit, ac in eam, ejus-  
que arbitrium & possessionem, totaliùs, pleni-  
usque transfuderit, quàm idem Dominus JESUS,  
cujus totius rei absolutissimum paradigma ha-  
bes, in omni quidem ejus Vitâ & vitæ actu, sed  
potissimum in ipsius Passione ac Morte.

6. Hanc arctissimam sui ad Voluntatem di-  
vinam adjunctionem, expressit perquam mira-  
biliter, Dominus JESUS, illis verbis suis; (*Meus*  
*cibus est, ut faciam Voluntatem ejus, qui misit me*  
*Patris, qui in cælis est*) Cibo vivimus: cibus in  
substantiam aliti, seu comedentis, transit, & suas  
ei inserit proprietates. Christus ergo Voluntate  
Dei passus, cibatus, nutritus, faginatus; & illa  
fuit substantia ejus: ac ejus qualitates, Christi  
fuère

Handwritten notes on the right edge of the page, including the word "Druy" and other illegible characters.

fuere qualitates, ac proprietates: adeoque totus Christus ipsissima Voluntas Dei fuit. Tu hinc discite: quâ obstinatione, seu obfirmatione Dei voluntati adhærescere te oporteat?

7. Tale aliud exemplar nec habebis, nec dabitur tibi in æternum. Unum tale in Monte Calvario, super Crucem, expansum, & affixum est. In hoc Exemplar, non tantum Cor, & Oculos, sed etiam substantiæ Corporis, & Animæ vires desigere, implantare, & inferere te oportet. In hoc Exemplar, quò se quis perfectius transformat, illudque in sese elaborat, eò est Patri æterno charior & propior, quia & JESU Passio similior.

8. Huic Exemplari, quisquis difformis est, hic Deo ingratus est, quia secundum Cor Dei non est: nec ullas qualitates habere potest, quibus Deo gratus reddi possit, sed necesse est, ut abjectus à Deo sit.

9. Jam igitur, inspice, te quidem uno oculo, exemplar autem istud altero, teque cum illo compara. An scilicet sic ames Deum, quomodo illum amavit JESUS? An sic ardeas Zelo gloriæ Dei, quomodo arsit JESUS? an sic unites & transformatus sis in Voluntatem Dei, sicque omnino sis ejus mancipium redditus, quomodo fuit, & propter tuum quidem exemplum fuit, JESUS?

10. Recordare illius Dominici dicti: quando quærens, quæ esset Mater sua quivè fratres & sorores suæ, extendens manum in discipulos suos dixit: *Ecce Mater mea, & fratres mei. Quicumque enim fecerint voluntatem Patris mei, qui in cælis est, ipse meus frater, & soror, & mater est.*

Luc. 8. 19.

*ejusq*

Quo af  
quam n  
omnibu  
ciatum  
mittatu  
non tan  
etiam M  
verbum  
quot fu  
tatis, to  
quotqu  
Dei alii  
divinæ  
Matres  
fiunt.

II.  
Patris s  
tantum  
Dei vo  
cogniti  
trahend  
atque c  
tuens e  
bilem,  
litudin  
ignavia  
conatur  
ciendas  
transfe  
dem ill  
easden

Quo

Quo asserto Domini, planè ignoro, an quidquam magnificentiùs unquam, & uspiam, in omnibus scripturis Sacris, de servis Dei enunciatum sit. Quid enim magnificentius adpromittatur servis Christi, quàm quod possint esse, non tantùm sorores, non tantùm fratres, sed etiam Matres Christi? Et tamen veritatis æternæ verbum non potest non esse verum; sed quotquot sunt factores & operatores divinæ Voluntatis, tot omnino sorores, & fratres Christi sunt: quotquot autem etiam prædicando voluntatem Dei aliis quoque annuntiant; illosque factores divinæ voluntatis reddere student; tot quasi Matres ac Genitrices Christi per prædicationem fiunt.

II. Intuens itaque, tantum JESU passi, erga Patris sui æterni voluntatem, amoris studium; tantum gloriæ illius zelum; tantam eorum, qui Dei voluntatibus, sive exequendo, sive alios ad cognitionem, amorem, executionemque illius trahendo, devotissimè inserviunt, exaltationem, atque cum ipsâ Dei Matre comparationem; intuens etiam tuam propriam eâ in re incomparabilem, inexcusabilemque ab JESU Passo dissimilitudinem; ex toto corde tuo, tepiditatem, & ignaviam tuam confiteberis: eam omni prorsus conatu radicitùs exues, totum autem te, ad faciendas, & ad prædicandas Dei tui voluntates transferes, atque transfundes: ut faciendo quidem illas, frater & soror; prædicando autem easdem, Mater Christi evadas.

PRAXIS.

## P R A X I S.

**J**esu pro me in doloribus posite, mihi que, in Te Passus tua in Patrem tuum æternum Charitatis, tui pro illius gloriâ zeli, tuæ ad ipsius dignissimam voluntatem subjectionis & adglutinationis exemplar præbens: confiteor, cum rubore quidem faciei meæ, meam supinam, & inveteratam in tui imitatione concordiam. Ecce nihilominus totus sum in virtute gratiæ tuæ, totus prostratus jaceo ad pedes misericordiæ tuæ, postulans & mendicans tota egestate meâ, ut facias me germanum, & verum tuæ erga tuum Patrem Charitatis filium: ut facias me pabulum Zeli, ignemque insatiabilem in promotione Honoris Divini: ut denique facias me æternale mancipium, voluntariumque jumentum, sanctissimæ, ac laudabilissimæ Voluntatis Divinæ, sempiternæ Domine, Sponsæ meæ.

## EXERCITIUM VII.

*JESUS Passus, nobis bona omnia.*

1. **S**Tatue tibi ob oculos JESUM Passum. 2. Intuere illum, in hoc doloroso, simulque fructuoso per omnia statu, quàm accuratissimè.

3. Intuere illum: ut nubem roridam, ex omnibus corporis sui sacratissimi membris, partibusque, sanguineo rore stillantem, ac diffluentem. Hic ros, ros lucis est, ros dilectionis, ros salutis, ros vitæ ac beatitudinis æternæ. Utinam hoc rore madescat undique Anima tua. En ille

*Cant. 5. 6.* ipse loquitur tibi: *Aperi mihi Soror mea Sponsa, aperi mihi. Caput enim meum plenum est rore: &*

*cincinnati*